

SAL. 007492 31.10.17 10:19

En aplicación do Regulamento de prácticas académicas externas da Universidade de Santiago de Compostela (USC), aprobado polo Consello de Goberno do 29 de xullo de 2015, no que se establece o procedemento para a organización de prácticas externas curriculares, extracurriculares ou prácticas para a elaboración dos traballos fin de grao/fin de máster na propia USC, e considerando que se cumpre os presupostos esixidos por esta normativa, artigo 27, relativos a:

a) Solicitude do órgano convocante das prácticas de inclusión na oferta de prácticas:


A Facultade de Xeografía e Historia imparte a titulación de Máster Universitario en Planificación e Xestión do Desenvolvemento Territorial que recolle a posibilidade de que os alumnos/as realicen prácticas externas en institucións públicas ou privadas de ata 6 créditos ECTS, 150 horas (1 crédito por cada 25 horas), con carácter optativo. Mediante estas prácticas preténdese que o alumnado desenvolva os coñecementos e habilidades adquiridos ao longo dos seus estudos.

b) Informe da unidade receptora de alumnos en prácticas. (No caso de unidades administrativas, este órgano será a Xerencia)


Á vista do escrito da profesora Dona M^a Teresa Barral Silva, directora do *Departamento de Edafoloxía e Química Agrícola* da Universidade de Santiago de Compostela, de 24 de outubro de 2017, polo que manifesta a súa disposición a recibir alumnos/as en prácticas das titulacións de Máster Universitario en Planificación e Xestión do Desenvolvemento Territorial, impartidas na Facultade de Xeografía e Historia,

Esta Reitoría resolve,

1. Autorizar a realización de prácticas académicas externas dos/as alumnos/as da titulación de Máster Universitario en Planificación e Xestión do Desenvolvemento Territorial da Facultade de Xeografía e Historia nas instalacións do Departamento de Edafoloxía e Química Agrícola da Universidade de Santiago.
2. Establecer o seguinte réxime de prácticas académicas externas:
 - Durante o período non lectivo, as prácticas que realicen os/as alumnos/as poderán contemplar unha dedicación máxima de 30 horas semanais. Durante o período lectivo a dedicación máxima será de 15 horas semanais, agás casos debidamente xustificadas. No caso das prácticas curriculares computarase un crédito por cada vinte e cinco horas de prácticas, sen poder superar o límite de 150 horas, que establece o plan de estudos para estes efectos. Estes créditos recoñeceranse como obrigatorios/optativos segundo o establezan os planos de estudos.



- As prácticas realizaranse no período que determine a Comisión de xestión das prácticas do Centro ou órgano con competencias, de acordo coa dirección do Departamento de Edafoloxía e Química Agrícola e concretaranse nas convocatorias que realice a USC.
- As prácticas a realizar polo alumnado da titulación de Máster Universitario en Planificación e Xestión do Desenvolvemento Territorial terán relación coas liñas de investigación nas que traballa o Departamento de Edafoloxía e Química Agrícola.
- Ningún alumno/a poderá prorrogar ou repetir as prácticas realizadas ao abeiro desta resolución, agás que o centro responsable da titulación autorice expresamente a realización das prácticas extracurriculares reguladas no *Regulamento de prácticas académicas externas da USC*.
- Estas prácticas non comportarán compensación económica e non implicarán ningún tipo de relación laboral coa Universidade nin determinarán a existencia de ningunha responsabilidade pola súa parte.
- Os/as alumnos/as que van realizar as prácticas serán seleccionados consonte unha convocatoria que respectará os principios de publicidade, igualdade, obxectividade e mérito. No caso das prácticas curriculares optativas e extracurriculares os alumnos seleccionados deberán matricularse nos prazos establecidos na resolución de adxudicación das prácticas; de non facelo entenderase que desisten da súa realización. E cando se trate das prácticas curriculares obrigatorias ou das prácticas para a realización dos TFG/TFM é requisito necesario para a adxudicación das prácticas que o alumno estea matriculado previamente das materias vinculadas (prácticas externas obrigatorias, TFG ou TFM, segundo corresponda).
- Por cada alumno/a que realice as prácticas no Departamento de Edafoloxía e Química Agrícola deberán completarse os datos solicitados no *Modelo para cumplimentación dos datos específicos das prácticas académicas externas autorizadas por Resolución Reitoral a realizar por parte de estudantes desta Universidade*, que figura como anexo a esta resolución.
- A Comisión de prácticas, ou con competencias nesta materia da titulación de Máster Universitario en Planificación e Xestión do Desenvolvemento Territorial da Facultade de Xeografía e Historia nomeará a un titor académico, que realizará o seguimento das prácticas dos estudantes. Así mesmo, o Departamento de Edafoloxía e Química Agrícola deberá nomear un titor desta área para supervisar as prácticas realizadas polo alumnado.
- Ao finalizar cada período de prácticas cada estudante deberán desenvolver o proxecto formativo e elaborar unha memoria final sobre o realizado.



- A avaliación das prácticas realizaraa a USC ao través do titor/-ra académico/a, á vista da memoria final e do informe do titor/-ra de prácticas externo das dependencias nas que realizou as prácticas.
- Para avaliar favorablemente as prácticas ao estudante, este non poderá ter unha ausencia superior ao 15% das horas programadas, ou o que determine a guía docente do programa de estudos.
- Cando a avaliación da memoria sexa positiva e o informe da actuación do alumno/a favorable, o responsable do Departamento de Edafoloxía e Química Agrícola emitirá por cada estudante, que participase con regularidade nas prácticas externas, unha certificación na que constará o tempo de colaboración e as actividades e tarefas realizadas. A certificación deberá especificar que, só surtirá efectos académicos, logo da avaliación do titor académico da USC
- O alumnado menor de 28 anos segue baixo a protección do seguro escolar. Non obstante, no caso de prácticas nas que conorra un risco excepcional, deberá contratarse un seguro de accidentes.
- Para calquera situación non contemplada nesta Resolución estarase ao indicado no *Regulamento de prácticas académicas externas da USC*, aprobado no Consello de Goberno do 29 de xullo de 2015.

Santiago de Compostela, 25 de outubro de 2017

O Reitor



D. Juan M. Víaño Rey

SR. DECANO DA FACULTADE DE XEOGRAFÍA E HISTORIA; DONA M^a TERESA BARRAL SILVA; SR. XEFE DO SERVIZO DE XESTIÓN ACADÉMICA; SR. DIRECTOR DA OFICINA DE INFORMACIÓN UNIVERSITARIA

ANEXO

**MODELO PARA CUMPLIMENTACIÓN DOS DATOS ESPECÍFICOS DAS PRÁCTICAS ACADÉMICAS EXTERNAS AUTORIZADAS POR RESOLUCIÓN REITORAL A REALIZAR POR PARTE DE ESTUDANTES DESTA UNIVERSIDADE
CURSO ACADÉMICO 201...../201.....**

Os abaixo asinantes manifestan que leron e aceptan as condicións e compromisos establecidos na Resolución Reitoral do 25 de outubro de 2017 da Universidade de Santiago de Compostela que autoriza a realización de prácticas no Departamento de Edafoloxía e Química Agrícola, e fan constar a seguinte información:

1.- Tipo de prácticas: **Curriculares** **Extracurriculares** **Traballo fin de grao/máster**

2.- Estudiante beneficiario

Apellidos e nome:

.....
.....

DNI

O/a estudante declara estar ao corrente no pagamento do seguro escolar para menores de 28 anos ou ter contratado un seguro de accidentes no caso de prácticas nas que conorra un risco excepcional.

3.- Titulación na que está matriculado o estudante

.....
.....

4.- Centro/Dependencia e localidade onde se desenvolverán as actividades:

.....
.....
.....

5.- Titor académico:

D/Dona.....

.....

con DNI.....

6.- Titor externo do : Departamento de Edafoloxía e Química Agrícola

D/Dona.....

.....

con DNI.....

7.- Duración das Prácticas Académicas Externas (dd/mm/aa): do..... ao
..... Nº total de días: Horas/día:

8.- O réxime de **permisos** será acordado polo Departamento de Edafoloxía e Química Agrícola e o estudante, e deberá adaptarse ás normas que a Universidade poida establecer. En todo caso, deberán respectarse por parte do Departamento de Edafoloxía e Química Agrícola as obrigas de asistencia á Universidade motivadas polo cumprimento da actividade académica e formativa, así como de representación e participación dos estudantes.

10.- O **Obxectivo** educativo destas prácticas é que o estudante aplique e complemente os coñecementos adquiridos na súa formación académica, favorecendo a adquisición de competencias que o preparen para o exercicio de actividades profesionais, faciliten a súa empregabilidade e fomenten a súa capacidade de emprendemento.

11.- **Proxecto formativo das prácticas (actividades, competencias, obxectivos específicos, etc.)**

Denominación do módulo: PRÁCTICAS EXTERNAS

Competencias e resultados da aprendizaxe que o/a estudante adquire con dito módulo. As prácticas externas constitúen de forma obrigatoria a posibilidade de que os contidos teóricos poidan trasladarse á actividade profesional, tanto pública como privada. A súa superación supón a obtención de 6 ou 12 créditos ECTS (aproximadamente de 150 a 250 horas de esforzo), segundo a modalidade. Os créditos contabilizaranse a partir dunha permanencia dos alumnos, durante varias semanas, con horario completo de 8 horas, ou seguindo quendas de mañá ou de tarde, en empresas de consultoría e de planeamento, ou en institucións públicas vinculadas coa Ordenación do Territorio ou o Desenvolvemento Local, tanto autonómicas, como municipais ou consorciadas.

Competencias

As prácticas externas versarán sobre algún dos ámbitos contidos no programa do máster, tal e como establecerá a Comisión Académica. Fixarase un control do esforzo e do traballo realizado polo alumno, que deberá ser avaliado pola empresa ou institución onde desenvolva as prácticas e titorizado por un profesor do máster. Entre os temas a tratar nas ditas prácticas estarán: a planificación a escala supralocal; as directrices de ordenación do territorio e os plans territoriais

parciais; os PGOM e os Plans Especiais de Protección; os Plans de Ordenación de Recursos Naturais e os PRUG; estudos de mercado; avaliacións de impacto ambiental; traballos de cartografía básica e temática; elaboración de guías territoriais ou con finalidade turística; observación climática e meteorolóxica; análise e plans de mobilidade; implementación de TICs para a xestión territorial; estudos de potencialidades e recursos hídricos; análises xeodemográficas, etc.

Materia: Prácticas externas

Créditos ECTS: 9 ECTS no Itinerario Profesional e 6 ECTS no Itinerario Investigador.

Carácter: Obligatorias

Curso / Cuadrimestre: Segundo

Contidos:

Calquera dos ámbitos profesionais que teñan afinidade coas áreas de coñecemento e as materias impartidas na titulación vinculadas ao convenio.

Actividades formativas co seu contido en horas para o alumno:

Total horas de traballo presencial do alumno na USC: 10 a 15

Total de horas traballo persoal do alumno na empresa: 150 a 250 ou o equivalente ao período de tempo fixado.

Criterio específico de avaliación para a materia:

Avaliación continua por parte dun representante da empresa ou institución que acolle ao alumno e seguimento e avaliación continua por parte do profesor/a responsable das prácticas nos termos fixados no convenio.

12.- Sistemas de avaliación e control: O titor académico, á vista do informe do **Departamento de Edafoloxía e Química Agrícola** e da memoria final do estudante, avaliará as prácticas desenvolvidas tal e como se establece no artigo 25, apartado 4 do Regulamento de prácticas académicas externas da Universidade de Santiago de Compostela, aprobado polo Consello de Goberno do 29 de xullo de 2015.

13.- O/a estudante comprométese a cumprir coas seguintes obrigas:

- a. Incorporarse na data acordada e cumprir o horario previsto no Anexo.
- b. Cumprir e respectar o sistema organizativo da entidade.



- c. Gardar o debido coidado respecto dos asuntos que coñezan na súa tarefa.
- d. Cumprir e respectar as normas de seguridade e prevención de riscos laborais da entidade.
- e. Cumprir con dilixencia e boa fe as actividades acordadas coa entidade colaboradora.
- f. Calquera outro deber previsto na normativa vixente, nos convenios de cooperación educativa asinados entre a USC ou entidade xestora de prácticas e a entidade colaboradora e, a entidade xestora de prácticas vinculada á mesma, coa entidade colaboradora.

O que se asina, por triplicado exemplar, en....., a.....de.....de 201.....

O Titor Académico,	O Titor polo Departamento de Edafoloxía e Química Agrícola	O alumno/a,
Asinado:	Asinado:	Asinado:

